

欽定剿平三省邪匪方略

續編

一
四
九

卷之十一 五言古詩

七

七

欽定剿平三省邪匪方略續編卷九

癸亥年

三月十六日

庚戌

惠齡奏言

臣

由洵陽壩西進趕

至寧陝屬之四畝地據總兵楊芳稟報近日分
兵窮搜並無賊匪蹤跡惟黃柏廠一路千總張
文魁搜獲零匪三名朱家莊一路副將吳廷剛
殲斃零匪八名舊縣關守備孫榮拿獲賊探一
名委員徐聯科搜獲零匪四名又林家寨寨首

等擊斃賊匪一名拿獲一名查山內零匪現已

無多又極渙散三五人卽爲一起並有一二人

潛蹤散逸者官兵每至窮搜一二日不見蹤跡

而官兵甫經他往又忽有搶刦糧食之事並有

從前落後鄉勇及隨營貿易遊手好閒之人三

五成羣隨處覓食如遇官兵卽冒稱某營鄉勇

如遇百姓卽假充賊匪乘勢搶奪寨民不辨真

偽卽羣指爲賊率行具報以致賊數轉覺增多
是偽賊不能除真賊不能立見消滅

臣

前已通

飭各營汛及地方州縣並寨堡委員等隨處盤
緝並令楊芳將所帶鄉勇未經裁撤者均卽查
明籍貫交陝安道朱勲按名收繳器械資送回
籍山內全無鄉勇亦可免游手好閒之人假充

影射奏入

上命軍機大臣傳諭惠齡曰惠齡摺內稱僞賊不除

真賊不能立見消滅等語殊屬含混此時在山內

搶掠滋擾敢與官兵抗拒者卽屬賊匪有何真僞

之別若云落後鄉勇及隨營貿易游手好閒之徒

假充賊匪乘間搶奪者卽爲僞賊則從前各路殲

擒匪衆指爲真賊者又豈必盡係白蓮教中人乎

總之無論鄉勇游民一經作賊卽當一律懲辦不

問其從前習教與否卽有素常習教而現今安分

守法不肯爲匪者卽係良民惠齡祇當論其現在

爲賊不當添設真僞名目也至各路鄉勇朕疊經

降旨令督撫嚴飭地方官妥籌安插毋任滋事何

以摺內又有鄉勇等假充教匪滋擾之事可見伊

等於鄉勇一事並未嘗認真籌辦凡摺內所稱如

何遣散安插等語俱係紙上空談此項鄉勇貿易

人等於遣送回籍後如無生業可安必致仍流爲
匪散而復聚仍害良民無恒產必無恒心乃一定
之理惠齡應飭地方官妥爲安頓務期得所

十九日

癸丑

德楞泰奏言竊

臣

據田朝貴稟報該

鎮由開縣之團城跟追苟朝九等賊匪該匪向

大灣黃栢棚一帶奔逃當經督兵齊進二十六

日齊至該處圍剿殺賊六名生擒二十二名查

係黃白藍三號餘匪並無頭目在內該匪旋逃
向開縣之滿月磱細沙溪一帶官兵追躡進攻
殺賊八名生擒十名直至雞鳴寺又擒斬賊匪
二十餘名現在該逆分爲三起一起一百二三
十人由滿月磱乾溪逃竄一起七八十人走大
塘口熊板堯一起三十餘名走火山新開場均
卽帶兵分投趕追又差赴楚境哨探有賊匪一

起一百三十餘人又一起一百六十餘人由房
縣水田坪笑天龍兩處分竄均至竹山之南坪
地方有合夥之勢卽係總兵吉林泰等所追之
賊查現在只有都司左位等帶兵二百名跟追
賊衆兵單當經飭派遊擊王國輔陳龍驤等帶
兵勇五百名前往協剿其劉渣鬍子餘孽據富
僧德蒲尙佐稟報在黃草坪花巖子趕上又殺

賊十七名生擒十二名滾崖者數名餘匪六七
十人四散分逃又王國賢餘匪據叅將虎正林
守備謝金章等稟報在茅嶺老山被寨民陳國
才等殺斃九名生擒七名滾崖跌死三名祇逃
脫二名又差赴開太一帶哨探有由南木窖竄
來賊匪百餘人南埡場竄來賊匪八九十人譚
家壩竄來賊匪四十多人三起合夥約共二百

數十名旋接額勒登保來信知穆克登布在亮
埡子陣亡此股竄匪係苟文明宋應伏等遺孽
前經在南山奔竄戕害大員茲旣東來必需併
力趕緊掃除庶可以洩衆憤現經勒保添派都
司趙琴帶兵勇五百餘名與田朝貴等合兵剿
辦總共兵數不下二千臣又飛飭馬元協同田
朝貴搜捕自可得手至東北一帶近接額勒登

保來信副都統銜達斯呼爾岱所追川陝合夥

之賊只有四百餘人有欲走太平八台山之語

該逆如果東來臣卽當親帶官兵迎截與達斯

呼爾岱等兩面夾擊以期一鼓集事頃又接豐

紳來信苟朝閣餘匪一百餘人有南奔入楚之

勢現在楊遇春已督同副將張瑗叅將祝廷彪

等跟蹤追躡至川北一帶零匪更屬無幾亦有

總兵達自祥臬司劉清等剿撫兼施諒均可卽

日淨盡奏入

上命軍機大臣傳諭德楞泰曰此次各路鎮將等沿途均有斬獲自二三十名至三四十名不等統計亦有一百數十人但閱摺內所敘各處零匪統計仍不下一千一二百人並未稍有減少不解何故德楞泰當嚴飭帶兵鎮將等各加奮勉上緊躡剿

務於四月內一律辦盡轉瞬天氣漸熱必致又以暑雨載途爲辭而禾稼遍地賊匪得以掠食不免又致稽時益復不成事體德楞泰受恩最重謀勇俱優不可不勉之又勉其苟朝九一犯務當確查下落不可令其漏網至各處賊數前次屢經降旨諭令查明確實具奏雖該匪等四散竄匿固不能按名而稽但據各路稟報亦不難約畧查明得有

總數何以摺內迄未將總數敘明此後每次奏報
總應將實在賊數聲敘毋得含糊了事至所稱苟
文明宋應伏等遺孽戕害穆克登布後又向東逃
必須先爲併力趕緊掃除等語所見甚是提督大
員帶兵搜捕必非一二人所能戕害德楞泰當逐
一究出動手戕害穆克登布之犯共有幾名審明
後於軍營嚮割剖心以設穆克登布靈位致祭並

擇賊中之壯健剽悍受傷較輕者一二名解京在
伊家墳塋寸磔俾衆共知以抒公憤而慰忠魂

二十日甲寅額勒登保奏言臣據各路稟報田朝

貴由大寧鹹水壩一帶跟追之賊派守備張應
錫帶兵赴紅池壩老林設伏截擊斃賊二名生
擒十名遊擊薛陞趕上又斃賊數名訊係各號
零星攢聚之賊共有二三百人總在老林躲避